

tricianum suburbium præbens aditum, in quo situm Dubliniensis Archiepiscopi palatium Sancti Sepulchri nomine notum, Templumque amplissimum S. Patricio sacrum, opere intestino, pavimentis lithostrotis, testudine è saxo concamerata, turrique præcella conspicuum. Quo primum tempore condita fuerit hæc Ecclesia, incertum plane est. Gregorium Scotorum Regem, circa annum DCCCXC, ad eam accessisse, Scotica refert historia. Eandem postea à Ioanne Anglorum Rege plurimum amplificatam, Præbendam primum instituit Ioannes Comynus Dubliniensis Archiepiscopus (anno CCCCXI, confirmante illud Cælestino Tertio Romano Pontifice) Henricus deinde Loundres ejusdem in Dubliniensi episcopatu successor personatum dignitatibus (liceat enim hîc fundatoris verba usurpare) auxit, & ad Sarisburiensis Ecclesiæ immunitates, instituta & consuetudines approbatas conformavit. Nostris vero temporibus Decanum, Præcentorem, Cancellarium, Thesaurarium, Archidiaconos duos, & Præbendarios XXXI sustentat: *Vnica quodammodo* (ut amplissimum testimonium, quod publica regni Comitum illi perhibent, non dissimulem) *pia omnis & Ecclesiastica disciplina atque ordinis in Hibernia lucerna ac lampas.* Est & altera Cathedralis Ecclesia in urbis mediotulio posita, quæ S. Trinitati consecrata Templum Christi communiter dicitur. De ejus constructione in Ecclesiæ archivis ita legimus; *Sitric Rex Dublin filius Ableb Comitum Dublin, dedit S. Trinitati & Donato primo Episcopo Dublin locum ad edificandam Ecclesiam Sancti Trinitati; nec non aurum & argentum sufficienter ad edificandam Ecclesiam cum totâ curiâ contulit.* Factum hoc circa annum salutis CCCCXI, quo Sitricum Abloici filium (sic enim appellat) claruisse confirmat Lancarvanensis. Opus à Donato inceptum Laurentius Dubliniensis Archiepiscopus, Richardus Strongbow Comes Penbrochiæ, vulgo Striguliæ Comes dictus (cujus monumentum ab Henrico Sidney Prorege restauratum hic cernitur) Robertus Stephani-des & Reimundus Giraldus perfecerunt. Ad Australem Ecclesiæ partem Prætorium è saxo quadrato confurgit, *Tolestale* dictum: ubi causæ à Prætoribus urbano cognoscuntur, frequentesque civium aguntur conventus. Immunitatibus etiam gaudet multis. Olim pro summo magistratu *Præpositum* habuit, sed anno reparatæ Salutis MCCCCX, ut *Major* & duo *Ballivi* quotannis eligerentur, concessit Henricus Quartus, utque gladius deauratus *Majori* in perpetuum præferatur. *Ballivos* autem postea in Vicecomites Edwardus Sextus com-

mutavit. Nec quicquam deest, quod in florentissima urbe desideres, nisi quod portui ita officit arenosus cumulus reciproco maris meatu in *Liffii* ostium aggestus ut navibus majoribus nisi æstu accedente impar sit subvehendis. Hæc de *Dublinia*, quorum plurima diligentia & doctrina Jacobi *Vsberi* Cancellarii Ecclesiæ S. Patricii qui annos varia doctrina, & judicio longe superat, me debere agnosco.

De Roberto *Vere* Oxoniæ Comite quem Rex Richardus Secundus in titulis honorariis elargiendis profusus Marchionem Dubliniæ, & postea Hiberniæ Ducem constituit, jam antea dixi, nec est cur hic repetam.

Vbi *Liffius* fluvius in mare se condit *Houth* mari fere circumfunditur, aqua nobiles de *S. Laurence* cognominati qui ibi habitant. Barones de *Houth* nominantur; rara felicitate quod tam longa serie (ab Henrici enim Secundi tempore genus repetunt) nullus, ut ferunt, fuerit læsæ Majestatis reus, nullus in pupillari ætate relictus. Parumque hinc abest *Malehid* Dominis suis *Talbottis* ex Anglia oriundis nobilitata.

Interius Dubliniensibus adjacet ad Aquilonem *Fingall*, id est, si ex Hibernica lingua interpreteris, *Gens exterorum*, (Anglos enim *Gall* quasi exteros, & *Saiffones* quasi Saxones appellant) cultissima regiuncula, & quasi hujus regni horreum; tantam frumenti vim quotannis suppeditat. Certatque quodammodo tellus cum agricolarum laboribus, quæ alibi per hanc insulam neglecta & inculta de ignava incolarum desidia gravissime conqueri videtur. Diffeminatæ sunt passim per hunc Comitatum clarissimæ ex Anglica stirpe deductæ familiæ, scilicet præter eas quas memini, *Phunketti*, *Barnwelli*, *Russelli*, *Talbotti*, *Dilloni*, *Nettervilli*, *Holywoodi*, *Lutterelli*, *Burnelli*, *Fitz-Williams*, *Gouldingi*, *Vsberi*, *Cadlei*, *Finglasi*, *Sarsfeldi*, *Blacknei*, *Crucei*, *Bathi*, &c.

Hæc summatim de *Lagenia*, quæ non ulterius olim pertigit. Nescio an risu vel memoratu dignum sit quod Thomas *Stukeley* cum famæ, fidei, & fortunarum naufragium in Anglia & Hibernia fecisset, è laqueis legum elapsus eam gratiam apud Gregorium XIII, Pontificem Romanum multa pollicendo, & magna venditando inierit, ut ab ipso titulum Marchionis *Lagenia*, Comitum *Weisfordia* & *Ca-terlogh*, Vicecomitis *Murrough*, Baronis *Rossie* & *Tadrona* acceperit. Quibus titulis tumidus dum Hiberniam cogitaret, in Africam digressus cum tribus regibus qui uno prælio occubuerunt vitæ fabulam honesta catastrophe peregit.

Marchio
Dubliniæ

S. Laurence
Barones
Houth.

Malehid.

Fingall.

Thomas
Stukeley.

Marchio
Lageniæ.